

Obraćanje visokog predstavnika i specijalnog predstavnika EU Valentina Inzka na otvaranju izložbe fotografija «Nestali životi», čiji je sponzor ICRC



Fundamentalne obaveze civiliziranog društva

Dame i gospodo,

Fotografije izložene ovdje nemaju nikakve veze sa politikom.

Ove slike su o ljudima.

Nema polemike niti nejasnoće o razmjeri i prirodi tragedije koja je pogodila ovu zemlju.

Riječ je o muškarcima, ženama i djeci koji su izgubili živote.

Ove fotografije zorno svjedoče o našoj fundamentalnoj obavezi kao civiliziranog društva da identificiramo i sahranimo posmrtnu ostatku žrtava.

Samo jedna smrt predstavlja cijeli univerzum gubitka. Identificiranjem žrtava i dokumentiranjem okolnosti u kojima

su poginuli, možemo raditi na tome da taj univerzum postane manje turoban, kroz naše poštovanje i suosjećanje.

* * *

Posao na identifikaciji i dokumentaciji od ključnog je značaja za dugotrajan i često bolan proces oporavka nakon sukoba.

Želim odati priznanje Međunarodnom komitetu Crvenog križa zbog inicijative da sponzorira ovu izložbu, koja će biti prikazana širom bivše Jugoslavije, te zbog njihovog šireg doprinosa traženju nestalih osoba.

Također želim posebno odati priznanje Institutu za nestale osobe BiH i Međunarodnoj komisiji za nestale osobe.

Želim uvjeriti sve koji su angažirani u ovim aktivnostima da imate kontinuiranu i bezuvjetnu podršku međunarodne zajednice. Vjerujem također da imate punu podršku svakog poštenog građanina u ovoj, ali i u susjednim zemljama.

* * *

Oni koji pokušavaju manipulirati brojem žrtava ili nastoje iskoristiti patnju drugih kao svoju političku prednost zaslužuju prezir. Neophodno je odlučno se oduprijeti svakom pokušaju politiziranja procesa traženja nestalih osoba.

Stotinu hiljada naših susjeda je poginulo.

Na stradanja tih ljudi i njihovih porodica može se odgovoriti samo konstruktivnim djelovanjem. ~~—and it will only be exploited—~~ S druge strane, ako se od njih napravi političko pitanje, oni će biti zloupotrebljeni.

Bosanskohercegovačkim liderima kažem: Radite ono što vam je zakonska i moralna obaveza, podržite one koji rade na

ustanovljavanju istine o sudbini nestalih; podržite one koji rade na lociranju i ekshumiranju njihovih posmrtnih ostataka.

Potraga za istinom i potraga za pravdom najbolji su instrumenti sa kojima se treba sučeljavati sa onima koji su učestvovali u nasilju i onima koji su poticali nasilje. Dajući podršku potrazi za istinom i pravdom možemo pomoći da se smanji vjerovatnoća da se takvo nasilje ikada ponovi.

Zato vjerujem da ove fotografije ne svjedoče samo o žrtvama iz prošlosti: one su dio zajedničkih napora da se održi nada u budućnost.

Hvala.